

ternaliter (1) fuerit, et constet per juridica acta, vel (2) per Provinciae Regesta; in carceribus per aliquod (3) tempus detineatur, et examinatis actis alias factis, seu (4) sententiis contra Reum ipsum alias latis, (5) vel novis actis denuo confectis, si juridice tria gravia delicta, ut supra dictum est, probata sint, a suo Ministro Provinciali cum Provinciae Definitorio incorrigibilis declarari possit, non tamen expelli, nisi prius a Superiori Generali, cui acta hujusmodi mittenda sunt, de consilio sex graviorum Patrum, et cum voto Domini Consultoris saecularis, ejectionis sententia approbata et confirmata sit. Si Sanctissimo Domino Nostro placuerit.

RESRIPTUM.

Ex audientia Sanctissimi 6. Decembris 1729. Sanctissimus annuit, dummodo non

SUMMARIUM.

ARTICULUS I. — *Electio quoad ejus esse, divisionem, et formam.*

1. Electio generatim sumpta quid sit. — 2. Electio Canonica dupliciter sumitur. Prima generaliter, et latissime, sub quo nomine venit etiam Postulatio, Praesentatio, Nominatio, Petitio, et Collatio: secundo proprie, et stricte, et prout contra distinguitur a supradictis. — 3. Electio proprie, et stricte sumpta (de qua solum est sermo) est personae idoneae ad Ecclesiam vacantem, vel Praelaturam, per eos quibus eligendi Jus competit, Canonica vocatio. — 4. Assignatur differentia Electionis a Postulatione. — 5. Postulatio quid sit. — 6. Assignatur differentia Electionis a Praesentatione. — 7. Praesentatio quid sit. — 8. Assignatur differentia Electionis a Nominatio. — 9. Nominatio solennis quid sit. — 10. Nominatio est triplex, et assignantur quaelibet. — 11. Assignatur differentia Electionis a Petitione. — 12. Simplex petitio quid sit. — 13. Assignatur differentia Electionis a Collatione. — 14. Collatio libera quid sit. — 15. Collatio est duplex libera et necessaria. — 16. Collatio libera, seclusa speciali concessione, non potest fieri per Vicarium Generalem Episcopi. — 17. Neque ipsa transit ad Capitulum, Sede vacante. — 18. Collatio necessaria quid sit. — 19. Collatio necessaria potest fieri etiam per Capitulum Sede vacante. — 20. Forma Electionis est triplex, scilicet Forma Scrutini, Compromissi, et Inspirationis. — 21. Electio per sortes non valet. — 22. Electio per scrutinium quid sit. — 23. Octodecim substantialia formae electionis per scrutinium assignantur. — 24. Electio per Compromissum quid sit. — 25. Ad faciendum Compromissum pro electione requiritur consensus omnium Vocalium. — 26. Compromissum pro electione potest fieri etiam in unum solum, quamvis ipse non sit de Collegio. — 27. Compromissum pro electione non potest fieri in Laicum. — 28. Unus Compromissarius nequit eligere seipsum.

(1) Quandoque a Sacra Pœnitentiaria absoluti, sive ab ejusdem Sacrae Pœnitentiariae, sive ab Ordinis Foro moneri delinquentes ac puniri paternaliter solent.

(2) Ne excludantur Apostasiae, quae cum ob indultam Sacrae Pœnitentiariae absolutionem, vel aliam ob causam formali processu iudicatae non fuerint, in aliquem relatae sint Provinciae librum, qui utique in Foro ea saltem fide gaudere debet, quae negotiatorum codicibus adhiberetur, etc.

(3) Cum Urbani VIII. Constitutio annuam Innocent. XII. semestrem carcerationem requirat; Ex

adversetur Constitutioni *Universalis*, etc.

Loco ✕ Sigilli.

N. M. CARD. LERCARI.

ADDITIONES EX ALIENA MANU.

(76. Quod habet Auctor n. 42, et plur. seq. Ejectos uti infamia laborantes nec exercere suos Ordines, neque concionari, nec assequi beneficia posse, id locum etiam sibi vindicat quoad ejectos e Societate Jesu post emissam vota solemnia, (77. non item quoad eosdem ejectos e Societate Jesu post emissam vota dumtaxat simplicia, ut probe monet sanct. memor. Benedict. XIV. de Synodo diœcesan. lib. 13, cap. 11, n. 2, ubi in hanc rem affert Resolutionem Sac. Congreg. Conc. et P. Giraldi in addit. ad Maschat. *Institut. Canon.* lib. 3, titul. 32, num. 39 (6).

ELECTIO.

— 29. Si compromissarii sint plures, possunt aliquem ex seipsis eligere. — 30. Compromittentes tenentur recipere electum a Compromissariis. — 31. Dummodo tamen servata fuerit forma Compromissi. — 32. Electio per Inspirationem quae sit. — 33. Et quae sit Electio per quasi Inspirationem. — 34. Ad hoc ut sit Electio per quasi Inspirationem debet esse sine omni fraude, et vitio. — 35. Hinc Electio ad clamorem populi non est confirmanda. — 36, 37. De forma electionis. — 38. 46. Nonnulla observanda in electione, quae fit, servata forma cap. *Quia propter*.

ARTICULUS II. — *Electio quoad illos, qui possunt, vel non, eligere, et eligi.*

1. De jure communi Jus eligendi Praelatum spectat ad Capitulum, seu Collegium, cujus Praelatus est eligendus. — 2. Hoc Jus diu in Ecclesia duravit, et etiam nunc in plerisque Ecclesiis perseverat. At in multis aliis nominant et praesentant Reges ex privilegio Pontificio, et in variis aliis nominat et instituit ipsemet Summus Pontifex. — 3. Jus eligendi Praelatum, quamvis de jure communi spectet ad Capitulum, seu Collegium, cujus Praelatus est eligendus, potest tamen ex privilegio, vel praescripta consuetudine acquiri etiam ab aliis Clericis extraneis. — 4. Immo possunt ipsimet Capitulares, vel Collegiales Electores de communi omnium consensu communicare Clericis extraneis facultatem eligendi, seu secum coeligendi. — 5. Si unus solus de Capitulo seu Collegio remaneat, aliis mortuis, privatis, suspensis, interdictis, excommunicatis, aut a Societate voluntarie recedentibus, ille solus poterit eligere alium in Praelatum totius Collegii. — 6. Non potest tamen ille eligere seipsum. — 7. Eligere non possunt: Primo, Pupilli, vel impuberes. — 8. Secundo, eligere non possunt Furiosi et mente capti, quamdiu durat amentia. — 9. Tertio, eligere non possunt Excommunicati Excommunicatione majori — 10. Quarto eligere non possunt Suspensi ab Officio et Beneficio simul,

decreto autem Sac. Congreg. memoratum tempus, vel continuari debeat, vel interruptum reintegrari.

(4) Juxta enim Ordinis Constitutiones, elapso semestri ab executione sententiae, solo poenali iudicio retento, cuncta reliqua comburi debent.

(5) Ut carcerationis tempore delicta juridice probari possint.

(6) Confer eundem P. Giraldi in Expositione Juris Pontificii part. 1. sect. 643. pag. 474. seqq. ubi multa habet, quae ad traditam in hoc Artic. ab Auctore nostro doctrinam confirmandam vel illustrandam pertinent. (EDIT. BARBIELL.)

vel etiam ab Officio tantum. — 11. Non prohibentur tamen eligere suspensi a Beneficio tantum — 12. Quinto, eligere non possunt personaliter Interdicti. — 15. Sexto, eligere non possunt Irregulares. — 14. Requiritur tamen, quod isti Irregulares, sicuti Excommunicati, Suspensi, et Interdicti sint nominatim denunciati. — 15. Septimo, eligere prohibentur infames infamia Juris. — 16. Octavo, eligere non possunt Laici saeculares. — 17. Nono, eligere non possunt in Ecclesiis Cathedralibus, vel Collegiatis, qui nondum sunt constituti in Ordine Subdiaconatus. — 18. Decimo, qui scienter elegerunt indignum, pro ea vice eligendi potestate privantur. — 19. Undecimo, qui per abusum saecularis potestatis elegerunt, ipso Jure privati sunt potestate eligendi. — 20. Duodecimo, eligere pro illa vice non possunt, qui intra tempus statutum eligere neglexerunt. — 21. Eligi solum possunt, qui habent qualitates a Jure requisitas, et praecipue litterarum scientiam, aetatis maturitatem, et morum honestatem. — 22. Scientia est triplex, scilicet eminens, mediocris, et sufficiens, et assignatur quaelibet. — 23. Scientia sufficiens mensuranda est juxta qualitatem loci, Officii, et Ecclesiae. — 24. In eligendis ad Praelaturas, atque Officia Ecclesiastica, quamvis desideranda sit scientia eminens, adhuc tamen mediocris, immo et sufficiens toleratur. — 25. Quoad aetatis maturitatem *Vid. verb. Aetatis*: et quoad morum honestatem patebit ex mox adducendis. — 26. Eligi non possunt: Primo, infames, tam infamia Juris, quam infamia Facti. — 27. Hoc tamen procedit solum de Infamibus sententiatis, sive declaratis. — 28. Secundo eligi non possunt Excommunicati Excommunicatione majori. — 29. Item neque excommunicati excommunicatione minori; aliter licet Electio non sit ipso Jure irrita, est tamen irritanda. — 30. Tertio, eligi non possunt Suspensi sive a Jure, sive ab homine. — 31. Quarto, eligi non possunt personaliter Interdicti. — 32. Quinto, eligi non possunt Irregulares. — 33. Qui senel ob vitium personae sunt rejecti, non possunt amplius eligi, nisi sint specialiter restituti. — 34. Septimo, eligi non possunt ad Praelaturas, et Dignitates Regulares poenitentiatum a S. Officio, quamvis poenitentias compleverint. — 35. Hinc nequit eligi ad Praelaturas Regulares ille qui abjuravit in S. Officio, etiam de levi. — 36. Octavo, eligi non possunt Haeretici. — 37. Sic nec etiam Schismatici. — 38. Nono, eligi non possunt in Episcopos Neophyti. — 39. Decimo, eligi non possunt Spurii, et Illegitimi. — 40. Undecimo, eligi non possunt Laici. — 41. Duodecimo, eligi non possunt bigami, et hujusmodi. — 42. Canonici non aliter jus eligendi habent, quam si in sacris sint constituti. — 43, 44. Sufficit quod sint in sacris tempore electionis. — 45, 46. Utrum jus eligendi habeat Canonicus proprietarius an possessor. — 47, 48. An Interdicti et Irregulares possint eligere. — 49. An excommunicatus ad eligendum irritam reddat electionem.

ARTICULUS III. — *Electio quoad ea, quae concernunt Electores.*

1. Electores habentes legitimum jus ad suffragandum, sive sint absentes, sive praesentes, vocandi sunt ad Electionem novi Praelati. — 2. Si tamen sint nimis distantes, non sunt de neesse vocandi. — 3. Quenam autem requiratur distantia sufficiens pro ipsis non vocandis, standum est specialibus consuetudinibus, et Constitutionibus. — 4. Electores vocati non possunt cogi ad interessendum, nisi agatur de magno praedictio Ecclesiae. — 5. Electores absentes, et impediti possunt eligere per Procuratorem. — 6. Si nemo velit hanc Procuratorem recipere, non potest Elector absens eligere per Epistolam. — 7. Electores tenentur sub gravi investigare de idoneitate personae eligendae. — 8. Electores eligentes indignum, id est cui desunt qualitates ad sic

promovendos requisita, ultra peccatum mortale quod incurrunt, ipso jure privati existunt pro una vice potestate eligendi. — 9. Haec autem poena privationis potestatis eligendi non incurritur nisi sequatur communis electio indigni, quamvis semper peccetur mortaliter dando scienter suffragium indigno. — 10. Eligens indignum, et asserens se id ignoranter fecisse, cogitur probare ignorantiam. — 11. Eligens scienter indignum peccat graviter, etiamsi sciat se nihil profuturum per denegationem sui suffragii, etc. — 12. Non debent, nec possunt Electores denegare suum suffragium ei, quem per solam Sacramentalem Confessionem noverunt indignum. — 13. Electores tenentur sub mortali eligere eos, quos digniores, et Ecclesiae magis utiles esse judicaverint. — 14. Obligatio sub gravi eligendi digniorem non solum procedit de Episcopis et Cardinalibus, sed etiam procedit de omnibus aliis habentibus Jurisdictionem quasi Episcopalem. — 15. Obligatio sub gravi eligendi meliorem procedit etiam de promovendis ad Ecclesias Parochiales. — 16. Electio digni, praetermissio digniore, est valida, quamvis illicita. — 17. Immo electio digni, praetermissio digniore, potest aliquando esse, nedum valida, sed etiam licita; Possunt enim Electores sine culpa eligere dignum, omisso digniore, in variis casibus, qui enumerantur. — 18. Et assignatur ratio. — 19. Elector renuntians electioni, si poeniteat, et se retractet, re adhuc integra, debet admitti cum caeteris Electoribus ad eligendum in Capitulo. — 20. Secus autem, re non amplius integra. — 21. Res quando dicatur adhuc integra, vel non. — 22. Elector potest ante publicatum scrutinium variare vocem suam, secus post publicatum scrutinium, et a fortiori si jam miserit schedulam suam in Urnam in communi loco preparatam ad finem eligendi. — 23. Electores, quamvis sine vera et justa causa nequeant interponere appellationem, seu oppositionem, ne procedatur ad electionem, possunt tamen ex justa et vera causa. — 24. Electores postquam aliquem unanimi consensu elegerunt, non possunt deinde illi electioni opponere, nisi ex causis de novo emergentibus, vel nisi eis improbitas morum Electi de novo fiat manifesta, quae tempore electionis erat illis totaliter incognita. — 25. Talis oppositio fieri potest triplici modo, scilicet contra formam electionis, contra electum seu eligendum, et contra Electores, dummodo tamen fiat in scriptis cum juramento et causa rationabili exprimens in litteris oppositionem et appellationem continentibus. — 26. Electoribus est interdictus abusus illicitarum Capitulationum, quas, occurrente vacatione Ecclesiarum, seu Monasteriorum, interdum fieri contingit, et ad hoc datur Constitutio Innoc. XII. — 27, 32. De juramento ad quod tenentur appellantes ab electione. — 35. An Constitutio Innocentii XII. afficiat Collegia quae ex viris et mulieribus composita, unius Praepositae regimini sunt subjecta. — 34. An nomine pactionum et conventionum electionem praecedentium ab hac Constitutione damnatarum etiam justae et honestae intellegantur.

ARTICULUS IV. — *Electio quomodo, quando, et ubi fieri possit et debeat, ut sit Canonica, praesertim inter Regulares.*

1. Pro electione Canonica facienda, sunt in primis vocandi omnes, qui de jure aut legitima consuetudine habent jus in ea suffragandi, et sunt in pacifica possessione eligendi. — 2. Alias etiamsi unus solus contemnatur, seu non vocetur, potest ipse agere de contemptu, et electionem irritare. — 3. Si vero Vocalis contemptus velit pro bono pacis, vel alio fine ratam habere electionem, et non contradicere, electio valide subsistit. — 4. Sic etiam electio valide subsistit, si Vocalis contemptus sciens electionem factam, et potens contradicere, nihil opponit. — 5. Vocalibus vocatis, et in unum conventis sunt ante electionem

habendi tractatus consultorii, in quibus discentiuntur qualitates, et merita eligendorum. — 6. Ante Electionem tenentur Vocales Regulares præstare juramentum de eligendo meliorem, seu digniorem. — 7. Tale juramentum secundum multos est de conditionibus essentialibus electionis, et ejus ommissio reddit electionem nullam ipso facto. Et quoad hoc crescit argumentum pro electionibus quæ sunt in Ordine Fratrum Minorum de Observantia, ad n. 9. — 10. Adhuc tamen defenditur præcisam omissionem Juramenti non obesse validitati Electionis. — 11. Et ad hoc adducitur Decretum Sacræ Congregationis Regularium. — 12. Ante electionem canenda est Missa, et facienda est invocatio Spiritus Sancti pro eligendis dignioribus. — 13. Talis Missa de Spiritu Sancto non est de essentia et validitate electionis, nisi existat specialis Constitutio cum clausula irritante actum contrarium. — 14. Electio debet celebrari omnibus electoribus in unum collegialiter, seu capitulariter congregatis, et non singulariter tantum. — 15. Capitulares debito et consueto modo vocati, si electioni interesse nolint, adhuc electio remanet Canonica sine ipsis. — 16. Pro Ordine Fr. Minorum habetur expressum Decretum, quod si aliquis Diffinitor præsens nolit convenire in Diffinitorio sub aliquo prætextu, non debeat fieri subrogatio, sicuti fit pro Diffinitore legitime impedito. — 17. Et sic fuit novissime decisum in causa Provinciæ Reformate Papie. — 18. Si cepto electionis tractatu aliqui Vocales egrediantur, et redire nolint, possunt alii sine ipsis procedere ad electionem, dummodo adhuc major pars Capitularium remaneat in Capitulo. — 19. Et talis electio tenet, quamvis electores redeuntes protestationem et appellationem interponant. — 20. Et hoc etiam procedit, quando aliqui Vocales remanent quidem in Capitulo, sed votare nolunt. — 21. Immo hoc etiam procedit, quando una cum aliquibus Vocalibus, vel nollet votare ipsemet Præses, aut nollet ad electionem indictam procedere. — 22. Nec obstat validitati talis electionis defectus Præsidis. — 23. Quinimmo etiam omnes electores de Capitulo exeant, si instet terminus ad electionem faciendam a jure præfixus, et unus solus remaneat, hic satis erit, et servatis cæteris servandis valide poterit eligere. — 24. Similiter si uno excepto, omnes alii de Capitulo moriantur, vel delinquant, ita ut remaneant privati jure eligendi, vel suis abrenuntiant votis, iste unus qui non obiit, nec deliquit, nec suo renuntiavit voto, poterit absque dubio extraneum eligere non vero seipsum. — 25. Et a fortiori poterit procedere ad electionem minor pars innocens Capitularium, si major pars delinquat, ita ut privata remaneat jure eligendi, vel temere, et sine justa causa recedat. — 26. Si aliquis Vocalium schedulam vacuum miserit in communem votorum Urnam, adhuc electio erit valida. — 27. Sic si in aperitione scrutini reperiantur plures schedulæ quam sint vocales, adhuc electio erit valida, si demptis superfluis remaneat major pars. — 28. Electio Superiorum Regularium debet fieri omnino per vota secreta. — 29. Et ita debet fieri per vota secreta, ut non possit fieri per viam compromissi, aut inspirationis. — 30. Non desunt tamen magni nominis Doctores, qui dicunt Conc. Trid. habere locum solum in electionibus Regularium per scrutinium, non autem in iis, quæ fiunt per compromissum, aut per quasi inspirationem. — 31. Electio non desinit esse secreta propter puram et simplicem ostensionem schedulæ secreto factam alicui ab aliquo ex Electoribus ad effectum ut videat quem ipse eligat, dummodo hujusmodi ostensio non sit vera, et realis, nec rationabiliter præsumpta causa cur potius unus, quam alter electus sit. — 32. Sic non desinit esse secreta electio, si quis Electorum, sive per malitiam, sive per errorem ostenderit alteri votum suum, inscio et non consentiente Capitulo, dummodo tamen non causet effectum, de quo num. antecedenti. — 33. Desineret tamen esse

secreta, et sic non subsisteret electio, etiam si unus solus votum suum publicaret permittente Capitulo. — 34. Sic desineret esse secreta, et nulla esset electio, si eligentes uterentur schedula aliquo patenti signo signata, ut innotescat scrutatoribus, vel uni ex illis, quod tales eligentes elegerint illum nominatum in schedula; ac proinde sic electus factus de hoc certus tenetur resignare Prælatum, vel petere a Sanctissimo confirmationem cum dispensatione. — 35. Item desineret esse secreta, et nulla esset electio, si Præses, vel alter de Capitulo alicui vel aliquibus ex Vocalibus traderet schedulas, in quibus notetur nomen illius qui eligitur. — 36. Sic a fortiori desineret esse secreta, et nulla esset electio, si aliquis Pater prædominans traderet alicui Vocali schedulam cum nomine eligendi, ostendendam omnibus aliis Vocalibus a suo prædominio dependentibus, ut ex ipsa copiam faciant, et sic scriptum in Urnam electionis exponant. — 37. Ad electionem Regularium debent vocari omnes, etiam infirmi, qui decumbunt in Conventu electionis, et si nequeant electioni interesse, debent duo disquisitores ad eos ire, et ab illis schedulas in vas ad id preparatum accipere; et si infirmi nequeant scribere, debent schedulas, pro ipsis scribere duo disquisitores, et patenter ponere in vase reliquarum schedularum. — 38. Et ad talem electionem vocandi sunt etiam Religiosi sacris non initiati in illis Religionibus, quarum Constitutiones ipsis expresse concedunt ut habeant votum in Capitulis; non sic autem in aliis Religionibus. — 39. Regulares tenentur sub mortali eligere digniorem. — 40. Hinc gravissime peccarent, et ad damna tenerentur, et indignus electus teneretur renuntiare, si ne dum non eligerent digniorem, sed potius eligerent indignum, id est quem sacri Canones, Constitutiones Pontificiæ, et Statuta Ordinis inhabilem declarant. — 41. Quid disponant quoad hoc Minoribus de Observantia Statuta Ordinis, et Constitutiones Pontificiæ, ad n. 43. — 44. Ut electio sit valida requiritur, ut in ipsam occurrat saltem major pars Capituli. — 45. Ubi vota essent paria, Præses Capituli nequit dare votum decisivum; loquendo de electionibus a toto Capitulo faciendis. — 46. Loquendo tamen de electionibus, quæ fiunt a solo Diffinitorio, Præses in paritate votorum, votum decisivum habet. — 47. Sic etiam deficiente Præside in electionibus, et negotiis in Diffinitorio peragendis, tale votum decisivum habent ministri Provinciales, dummodo ipso non utantur, nisi per tres vias vota fuerint æqualia. — 48. Commissarii Provinciales qui tempore Capituli Generalis relinquuntur ad gubernandas Provincias, eligendi sunt a diffinitoriis Provincialibus per ballotones. — 49. Sic etiam per ballotones, et vota secreta debent fieri omnes et singulæ electiones quæ fiunt in Diffinitoriis, tam Proministrorum Provincialium, et Custodum, quam Guardianorum. — 50. Electiones quæ fiunt in Capitulis tum Generalibus tum Provincialibus, debent fieri non per secretas ballotones, sed per secretam schedulam suffragia, ita obsignata, etc. — 51. Electio ut sit canonica debet esse omnino libera, ita ut aliter facta sit ipso jure nulla. — 52. Unde nulla est electio sine auctoritate Apostolica limitata, et restricta ad aliquos cæteris exclusis, et maxime si fiat per abusum sæcularis Potestatis. — 53. Non est tamen contra libertatem electionis, quod Electores coarcentur ad eligendum aliquod genus personarum v. gr. Magistrorum, Lectorum, etc. vel talis Nationis, et hujusmodi. — 54. Libertatem electionis tollit, et ipsam irritat subornatio, quæ fit importunitis precibus, comminationibus, vituperationibus, etc. — 55. Hinc in Ordine Minorum de Observantia subornatores pro se, vel pro alio incurrunt ipso facto excommunicationem Papæ reservatam, et privationem vocis activæ, et passivæ. — 56. Quæ tamen excommunicatio modo potest absolvi a Ministro, et Commissario Generalibus, ubi agitur de electione Su-

periorum. — 57. Dispositio Generalis pro omnibus Regularibus illicitis modis pro se vel pro aliis dignitates procurantibus, ad n. 58. — 59. Electio evadit Simoniaca, et consequenter nulla, cum pro consequenda aliqua Prælatum, seu Dignitate v. g. Prioratus, Guardianatus, Diffinitoriatus, Provincialatus, et Generalatus datur aliquod temporale munus, vel a manu, vel a lingua, vel ab obsequio. — 60. Et talis electio de Jure Ecclesiastico est nulla etiam ante Judicis sententiam. — 61. Talis electio est nulla, etiam si Simonia sit occulta. — 62. Immo est nulla electio, etiam si electus penitus ignoret Simoniæ commissam ab aliis in procurandis votis ad sui electionem, nisi in hujus præjudicium fraudulenter fiat ab aliquo inimico. — 63. Hinc simoniace electus tenetur in conscientia sub peccato mortali renuntiare Prioratum, Rectoratum, Guardianatum, Diffinitorium, Provincialatum, Generalatum, nec absolvi potest priusquam renuntiet; et hoc etiam si simonia sit occulta, sive commissam sit ab eodem, qui dignitatem obtinuit, sive ab aliis ipso quoque ne sciente. — 64. Assignantur variæ electiones simoniace, et nullæ propter illicitas pactiones Electorum. — 65. Electio celebrari debet in loco publico, et solito, ut in Ecclesia, Sacristia, Choro vel Capitulo, seu Refectorio, et hujusmodi. — 66. In casu autem necessitatis celebrari potest extra Ecclesiam, seu Monasterium, et extra locum solitum. — 67. Immo in casu necessitatis potest electio celebrari etiam in loco interdicto. — 68. Extra tamen casum necessitatis male facerent Electores eligendo in loco interdicto. — 69. Electio vero adhuc esset valida. — 70. Sic etiam valida esset electio, quamvis non esset facta in loco consueto, dummodo reliqua omnia fuerint servata. — 71. Electio de jure communi est facienda, quando Ecclesia est viduata, et vacat legitimo suo Pastore. — 72. Vacatio autem, et Viduatio potest fieri multipliciter, nempe per mortem, renuntiationem, translationem, et proprii Prælati remotionem. — 73. Viduata seu vacante Ecclesia, debet ab Electoribus, cessante legitimo impedimento, fieri electio infra tres menses; alioquin devolvitur ad proximum Superiorem. — 74. Et si ipse proximus Superior infra idem tempus non elegerit, devolvitur ad alium Superiorem, et sic successive usque ad Papam. — 75. Dicti tres menses non sunt computandi a die vacationis, sed a die habitæ scientiæ talis vacationis. — 76. Regulares non tenentur stare huic tempori a jure communi præfixo, sed debent servare tempus, et modum a suis specialibus Constitutionibus statutum. — 77. Si electio non fuerit celebrata statuta et præscripta die in Ordine Minorum, si electio sit Provincialis devolvitur ad Generalem, si Generalis, devolvitur ad Papam. — 78. Electio celebrata post elapsum tempus a jure communi, vel speciali præfixum, est nulla. — 79. Electio regulariter loquendo non est facienda de nocte. — 80. Ob gravem autem, et urgentem causam potest electio licite, et valide celebrari de nocte, dummodo tamen adsint ad munus tria luminaria ad evitandos dolos et errores; qui in

ARTICULUS I.

Electio quoad ejus esse, divisionem, differentiam, et Formam.

(1. Electio generatim sumpta, est multorum placentium in ordine ad finem unius præacceptio. Sic ex Aristot. 5, *Ethicor.* et D. Thoma 1, 2, q. 13, art. 3, in corp. Unde si ad iter obeundum occurrant simul duo media, videlicet equus, et biga, ut commodius fiat iter, in tali casu biga dicitur eligi, et ad hoc B. Albertus Magnus cap. 23 Top. dicit, « quod eligere est duorum vel plurium, quæ sunt proposita alterum vel alterum præ-

dandis suffragiis, et conscribendis schedulis possent oriri. — 81. Assignantur causæ sufficientes pro celebranda electione de nocte. — 82. Per noctem intelligitur illud tempus, quod incipit post datum signum ad salutationem Angelicam usque ad illud tempus, quo jam albescit. — 83. Electio potest celebrari etiam de Festo. — 84. Electio est nulla, si ante celebrationem Capituli, vel Congregationis non exhibeantur attestations de adimplemento oneris Missarum. — 85. Adducuntur ad hoc resolutiones Sacræ Congregationis in facti contingentiâ. — 86. Vicarius Provincialis electus a solo Diffinitorio post mortem Provincialis potest ex justa causa obtinere titulum Ministri Provincialis, ut pluries concessit Sacra Congregatio, usque ad num. 87. — 88. Uno casu excepto. — 89. Electio facta a Regularibus, et de Regularibus nec dum in eadem Religione professi, est nulla. — 90. Ut quis possit eligere, sufficit tacita Professio; ut vero possit eligi, necessario requiritur Professio expressa. Et hoc procedit etiam in Monialibus. — 91. Eligendus debet esse Professor in eadem Religione in qua eligitur. — 92. Sententiæ privationis vocis activæ, et passivæ debent a Superioribus Regularibus pronuntari per mensem ante Capitulum, aliter non tenet. — 93. Nec potest Præses Capituli Religiosus voce activa, et passiva privare ipsis non citatis, nec eisdem data actorum copia, ut se possint via juris defendere, quamvis a Superiore Generali haberet in mandatis, ut procederet sine strepitu, et figura Judicii et quod posset Religiosos voce activa et passiva privare. — 94. Si tamen citato Capitulo, et Vocalibus jam congregatis emergeret casus propter quem Vocalis aliquis sit voce activa, vel passiva privandus, tunc ipso summarie audito, an aliquam excusationem adducere possit, aut velit, posset sententia pronuntari, vel declarari incurrisse talem privationem. — 95. Electio Canonice celebrata est confirmanda ab immediato, et proximo Superiore. — 96. Si electus ante confirmationem se immisceat administrationi, est ipso facto privatus jure acquisito per electionem. — 97. Excipiuntur autem electiones Generalium Ordinum, qui ex variis privilegiis a Sede Apostolica ipsis concessis eo ipso quod sunt electi, sunt a Sede Apostolica confirmati. — 98. In Ordine Minorum, Generalis statim ac Canonice est electus, potest plenam, et liberam administrationem exercere ex concessione Clementis IV. — 99. Abbatissæ quamvis debeant ab Episcopo, vel suo respective Superiore confirmari, adhuc possunt ante confirmationem administrare. — 100. Quoad electionem Abbatissarum afferuntur observanda Decreta novissime edita a Sacra Congregatione Concilii. — 101. 103. Quoad aliqua, circa electionem in Ordine Fratrum Minorum de Observantia, attendenda est novissima Constitutio Clementis XII. — 104. 109. De coarctando termino Electioni præfixo. — 110. 112. Quid si in electione, in qua plures sunt electi, suffragia excedunt eligentium numerum. — 115. Alia quoad Electionem Abbatissarum. — 114. 118. In materia Electionis incertum jus. — 119. Exemplum de quo actum fuit in S. Rota.

optare. » (2. Electio autem Canonica dupliciter sumitur; Primo generaliter, seu latissime, et sub hoc nomine Electionis venit etiam Postulatio, Præsentatio, Nominatio, Petitio, et Collatio. Secundo sumitur Electio proprie, seu stricte, et prout contra distinguitur a Postulatione, Præsentatione, Nominazione, Petitione, et Collatione; et de Electione in hoc stricto et proprio sensu in præsentem est sermo.

(3. Electio igitur proprie et stricte accepta, est personæ idoneæ ad Ecclesiam vacantem, vel Prælatum per eos, quibus eligendi Jus competit, Canonice vocatio. Est in re com-